

NAMIBIA SENIOR SECONDARY CERTIFICATE

FIRST LANGUAGE RUMANYO ORDINARY LEVEL

4109/3

PAPER 3 Literature

2 hours

Marks 60

2020

Additional Materials: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **three** questions, **one** from Section A **Poetry**, **one** from Section B **Prose** and **one** from Section C **Drama**. Of the **three** answers, **one** must be an essay.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

MARONDORO NAMAPUKURURO KUMUHAMENI MUMAKONAKONO

- Tjanga malimbururo ghoye Mumbapira yaKulimbwilira oyo vana tapa.
- Tjanga Nomora yaLivango, Nomora yaMukandidate naLidina paMbapira yaKulimbwilira.
- Tjanga nashitjangito shashinaliwiru nampiri shashitipu.
- Wa sha rughanita shidongonito shamema-mema.
- Limburura mapuro **matatu**, **limwe** mulipongonyono A **Mutango**, **limwe** mulipongonyono B **Porosa**, **limwe** C **Shidanaghuka**. Mogho malimbururo **matatu**, **limwe** po li kare lya ntjangwatimwitira (lyalire).
- Pakera mbiri unene lishantjo, viyivitovaruro nalitungontanto.
- Vitwa vya pwa kutura mutuhaki [] kughuhura wa kehe lipuro mpiri ruha rwalipuro.

This document consists of **8** printed pages.



Republic of Namibia

MINISTRY OF EDUCATION, ARTS AND CULTURE

LIPONGONYONO A: MUTANGO

Limburura mo lipuro **limwe** tupu muruha runo.

1 Shiyo: Dimutango daRumanyo

Varura mutango ghuno makura u limburure mapuro ogho ghana ka kwamo ko.

Udjuni

Anwe vahewa udjuni ghuna kuru
 Tu pamenu munyara nomumaghuru
 Vahewa tu kambakambemu
 Vahewa tu tuvadarenu
 Manna yokuwa kuwiru kutupu
 Vimbote vyokukanga vyokuwa kuwiru kutupu
 Udjuni vahewa ghuna kuru tupu.

Udjuni wavasheshu tupu
 Kotorokenu tu kenge udjuni omo ghuna kuru
 Tu twitenu kumona udjuni omo ghuna kuru
 Udjuni woudjuni woudjuni tupu
 Udjuni woudjuni wene-wene kutupu
 Tu pamenu munyara nomumaghuru
 Ntjene tuna tjira kurara muvighuru

Mumukuro mabu mutupu
 Udjuni wokudigha udjodjo kutupu
 Hewa kora nyara kora maghuru
 Ghuno udjuni wonamuntji ghuna kuru
 Udjuni woufenkenda wa ka pita tupu
 Anwe vahewa udjuni ghuna kuru.

Tu pamenu munyara nomumaghuru
 Tu kambakambenu
 Tu tuvadarenu
 Udjuni woudjuni kutupu
 Twa sha karenu vimbumburu
 Tu karenu nomulyo wountu
 Dogoro mulivyukiro mumbundu.

(H.N. Diaz)

- (a) Muukaro waweni ana kara mutangi ntani weni omo ana kuvi negheda mumbudi yamutango ghuno. Wana maghano mumutango ghakuvatere kumalimbururo ghoye. [4]
- (b) Vinke una kughayara, ovyo ana kambadara mutangi kutuntura mukurughanita dimutunda dino:
- (i) kotorokenu tu kenge udjuni omo ghuna kuru [2]
- (ii) udjuni woudjuni wene-wene kutupu [2]
- (c) Weni omo a rughanita mutangi liraka mposhi a kankondopeke likutjindjo lyaudjuni kuvavaruli mumutango ghuno? Wana maghano mumutango gha ku vatere kumalimbururo ghoye. [4]
- (d) Vinke una kughayara ovyo ana shana mutangi kutuntura kuvavaruli nashinemaghano shendi shakuhulilira mumutango ghuno? Rughanita maghano ghamumutango gha ku vatere kumalimbururo ghoye. [4]
- (e) Weni omo una kughayara omo ana kushanena mutangi muvaruli omo a ku yuvha pakumana kuvarura mutango ghuno? Weni omo a tulita po likuyuvho lyamuvaruli? Rughanita maghano ghamumutango mukushingonona lilimbururo lyoye. [4]
- [20]

NDI

2 Shiyo: Dimutango daRumanyo

Varura mutango ogho makura u ka limburure mapuro ogho ghana ka kwamo ko.

Ndunge

Makushongo nawa,
Visheshu nga ghu wa.
Vyaudito ghureru,
Maudito masheshu.

Kushepaghana koye,
Ruvigha nka ndo roye,
Ruhepo kukutunda,
Navintje vyapantunda.

Muntu wa kulima,
Kuwana vitima.
Ngoli oghu wamudwa,
Ghuye kulya urwa.

Upampi ndo ruvigha,
nampiri ndi pamigha,
kukughupa uona.
ghu kuture uwa.

(M. Haipopo)

- (a) Timwitira omo a rughanita mutangi liraka mposhi a kankondopeke mulyo ndunge mumutango ghuno. Rughanita maghano ghamumutango gha ku vatere kumalimbururo ghoye.

Mwara nkango **125 – 150**.

[10]

- (b) Kushiparatjangwa shamutango weni omo shina ka tuntura vitantwavando vyamutango ghuno? Rughanita magano ghamumutango gha ku vatere kumalimbururo ghoye.

Mwara nkango **125 – 150**.

[10]

[20]

LIPONGONYONO B: POROSA

Limburura mo lipuro **limwe** tupu muruha runo.

3 Mfudu Urodi: Shampapi Shiremo

Ani nampiri momo muveta ngani karwa ngani kadire kukukusha po pantekurukokona yande”. Bibisi a manita kukuncakawira. “Hawe vyashiri mo tuna kuvimona. Ogho mamushete ghakurenka yira mamundama ghanya vakokeranga mema kuLinusi. Yona ne maliro namaliro katu ganda munya mwetu ngoli ure-ure nakukutashi, nani mumapumba ghaviurumba vyavo katu pakanga. Nogho nganga wakukenga ngoli nawa ne wakuni ogho? Natwe walye ngatu yendako va ka tu kenge po ovyo vina kuturororo. Avanya vamwe ava mu pura Bibisi. Anwe kuyendanga kuBetjwana nakuKapirivi kunya mukakenge ovo vana di mu tapararo, ashi muhokwe tupu kubotomana nakugcunyina nkinda dashitirighota pano paRucara. Kukunyangangako vaunyenu mu kenge nawa shirongo.”

Ogho ghumwe kamuyuvha panya ashi hawe ame ne kuna kuvigwemena shiri, nange tupu ngavi kupukira pande ndi ngamu di yuvha. “Pamuhoverero ngani kagharura vene hambo nayintje ntani nka ngani kashore vihangu vyavo navintje. Vimpendje nankuku nadintje ndi vyande ngavi karo. Ovo vantilyavo ndi va kupondeka ngava karo.” Ngoweno va di kunukanitire liyuva linya pabawa yaMandimbe.

- (a) Vinke una kughayara, omo ana kushana mutjangi kunegheda kuhamena mulyo wavanganga kuvavaruli mumbapira yino? [4]
- (b) Weni ana kankondopeka mutjangi mfudu omo ya gumine vatungimo mumukunda waRucara mumbapira yino? Rughanita maghano ghamumbapira gha ku vatere kumalimburo ghoye. [4]
- (c) Mbudi munke ana kushana mutjangi kutantera vavaruli mukurughanita ngambito dino:
- (i) Hawe nda vyashiri va vi sheweka vakurona ashi rera ngwe nga piruke nga kulye naumoye. [2]
- (ii) Ghambera monaNtjonge monaDuduva naye a yuvhire ko. [2]
- (d) Kulivangodaneno lino, mudi waLighehe weni omo lyatuntura ntjima-ntjima yavitantwavando vyambapira yino? Rughanita maghano ghamumbapira ghakuvatere kumalimburo ghoye. [4]
- (e) Weni ukaro waKangoro omo wa ka kalire ntjimatjima ngo mudjonauli wamandi ghanya maviri mumbapira yino? [4]

[20]**NDI**

4 Sha rondo mpadi: H. N. Diaz

Kumburura ko omo ana kunegheda mutjangi likuyuvo lyendi kuvavaruli kuhamena lihoreko lyavana vanakufa Kisimi nashighamba shaPresidente waKenya mumbapira yino. Rughanita maghano ghano ghamumbapira gha ku vatere kushitjangwa shoye.

Mwara nkango **250 – 300**.

[20]

LIPONGONYONO C: SHIDANAUKA

Limburura mo lipuro **limwe** tupu muruha runo.

5 Nkandaurama: S. K. Mbambo

Ruha runo kuna ka hamena kovyo vya shorokiro kutunda paliharango lyakuraperera muRundu dogoro kuuto wakurenka ashi vakufuti va ka toghone vakashure.

Vakashure kare vana yimana mutomboro kuno vavo kuna kuyimba ntjumo dankirishe. Vamitiri vavo navo kuna kurupuka va yende paliharango lyakuraperera. Vakashure opo va monine vamitiri makura ava shaghekere pakatji rushumo oro va yimbire. Mukurona washure makura a shuwena kumeho a morore vakashure.

Mukuronashure: Morokenu vanashure.

Vakashure: (*navantje kumwe-kumwe*) Morokenu nanwe Mukalikuto.

Mukuronashure: Namuntji na shana ni ka varure kumwe nanwe mumbapira yaMuyauli 4: 1-3. Muliraka lyarulngilisha mbapira yino kuyitwenya ashi Ecclesiastes (*Apa a manine kuvarura makura a rapere ndapero yayifupi yina kunkondopeko nkango odo ana varura.*)

Mukuronashure: Vamitiri navakashure namuntji kapi na kara namayivito. Na shana kumutambwira mo namuvantje anwe kamu yendo kumandi nanwe kamu rupuko muRundu ndi mumukunda waKavango shikondovike shino. Na huguvara ashi shivike shino kushiyenda po tupu nawa yira shivike osho kashitundo ko. Tokwenu tu ka yushare po nawa.

Tupu a mana kughamba ngoweyo makura a ka yenda. Vamitiri vavo shimpe kapi vana ka dongonoka, Munango makura a piti kumeho.

Munango: *Comrades*, ame na huguvara ashi natuvantje tuna yiva ashi vinke vina ka shoroko namuntji. Ngowento kuna kuyenda tu mashe te yende kwaKampungu tu ka pitire vaunyetu makura tu ka yende kumberegho yamakushongo. Mukurona washure nampiri moomo ana piri kuvitwenya pano, ana yiva ko vintu mukondashi ngurangura tuna ka mu tantera. (*Munango kwa mana tupu kughamba makura nko kurutura ko rushumo. Katiku ndje a tamikiro rushumo.*)

- (a) Weni omo a negheda mutjangi vavaruli ukaro wamukuronashure yaRundu naKampungu mushidanauka shino? Nkondopeka malimburo ghoye omo u ka rughanita maghano ghamumbapira yino. [4]
- (b) Vinke una kughayara ovyo ana kushana kutuntura mutjangi kuvavaruli mukurughanita matjangwa ghamumbapira yaMuyauli 4: 1-3 mushidanauka shino? [4]
- (c) Weni omo ana ka renkita mutjangi vavaruli va ka fere nkenda vakashure kovyo va kalire mudorongo mumbapira yino? Rughanita maghano ghamumbapira gha ku vatore kumalimburo ghoye. [4]
- (d) Weni ukaro wavakurona, vakashure navantu vakukukarera omo wa renkita ashi ngo ntundiliro yalitjido lyavashongi vamushurekurona yaKampungu mushidanauka shino? Rughanita maghano ghamumbapira gha ku vatore kumalimburo ghoye. [4]
- (e) Likuyuvhoke ana kushana kutulita po mutjangi ashi ndi weni omo va kuyuvha vavaruli? Nkondopeka lilimburo lyoye omo u ka rughanita maghano ghamumbapira. [4]
- [20]

NDI

6 Shatoka: H. N. Diaz

Timwitira omo a tuntura mutjangi mulyo wakudjamba ndjambo kuuto va kakushunge mbuto dadipe kuvavaruli mushidanauka shino. Rughanita maghano ghamumbapira ghakuvatore kumalimburo ghoye.

Mwara nkango **250 – 300**.

[20]